

# UGOVOR

## o pružanju usluga servisiranja i održavanja klima uređaja

Zaključen između:

**BOSNA I HERCEGOVINA - USTAVNI SUD BOSNE I HERCEGOVINE**, Sarajevo, Reisa Džemaludina Čauševića 6/III, kojeg zastupa generalni sekretar Ustavnog suda Bosne i Hercegovine, Nataša Vuković (u daljem tekstu: **Naručilac**),

i

**„CLIMA TRADE“ d.o.o Sarajevo**, Džemala Bijedića 301, Sarajevo, koga zastupa direktor, Senad Gačanović (u daljem tekstu: **Izvršilac**).

### Član 1.

Predmet ovog Ugovora je pružanje usluga čišćenja, redovnog servisiranja i održavanja klima uređaja za potrebe Naručioca, u skladu sa Ponudom Izvršioca broj 251-CT/16 od 16. maja 2016. godine, koja je sastavni dio ovog Ugovora.

### Član 2.

Jedinične cijene za izvršenje usluga iz člana 1. ovog Ugovora, sadržane su u Ponudi Izvršioca broj 251-CT/16 od 16. maja 2016. godine.

Usluge će se vršiti po potrebama i po pozivu Naručioca. Troškove dolaska na mjesto izvršenja usluga, troškove dopreme dijelova i sl. snosi Izvršilac.

### Član 3.

Izvršilac se obavezuje da će kvalitetno i profesionalno pružiti usluge iz člana 1. ovog Ugovora.

U slučaju identifikacije kvara i utvrđenog rezervnog dijela koji treba zamijeniti, Izvršilac je dužan dostaviti cijenu rezervnog dijela (predračun) u roku od 12 sati. Naručilac zadržava pravo provjere cijene rezervnog dijela na tržištu (putem ispitivanja tržišta, interneta, ...) i prigovora na istu. Ukoliko je cijena rezervnog dijela realna tržišna cijena, Ustavni sud BiH će prihvatiti ponudu, a ako je znatno viša od realne tržišne cijene, Ustavni sud BiH zadržava pravo da sam nabavi rezervni dio koji je Izvršilac dužan ugraditi u skladu sa uslovima navedenim u Ponudi. Cijena radnog sata 1/h se obračunava samo pri popravci uređaja i iznosi 1/h 28,00 KM bez PDV-a.

### Član 4.

Naručilac se obavezuje da Izvršiocu omogući nesmetan pristup prostorijama sa klima uređajima kao i prostoru gdje su smještene vanjske jedinice klima uređaja, te da ga uvede u posao.

### Član 5.

Garancija za usluge izvršene po ovom Ugovoru je 6 mjeseci po obavljenom poslu.

Rok za odziv na poziv po Ugovoru je do 48 sati od prijema poziva.

Rokovi iz st. 1. i 2. ovog člana mogu se prolongirati isključivo u slučaju nastanka okolnosti na koje Izvršilac objektivno nije mogao uticati.

### Član 6.

Za izvršene usluge u okviru ovog ugovora Izvršilac će ispostavljati odgovarajući račun za svaki izvršeni posao, ili zbirni račun za više izvršenih poslova, a nakon što je ovjeren od strane ovlaštenih lica Naručioca da je usluga obavljena.

U slučaju čišćenja klima uređaja Izvršilac je dužan dostaviti atest o dezinfekcionom sredstvu i obavljenom poslu i ispostaviti odgovarajući račun.

Sve poreske obaveze moraju biti uključene i posebno iskazane u sklopu ispostavljenog računa.

#### Član 7.

Naručilac se obavezuje da će, s obzirom na sistem trezorskog poslovanja institucija BiH, odmah, a najkasnije u roku od 7 dana po izvršenju usluga bez primjedaba i prijemu fakture, fakturu proslijediti na plaćanje Ministarstvu finansija i trezora BiH.

Izvršilac je saglasan da Naručiocu neće zaračunavati kamate za zakašnjenje prilikom plaćanja preko Trezora, ako je Naručilac u ugovorenom roku predao nalog za plaćanje Trezoru BiH.

#### Član 8.

Izvršilac garantuje da će sve radove i usluge utvrđene ovim ugovorom obavljati stručno, savjesno i kvalitetno.

#### Član 9.

Ugovor se zaključuje na period od godinu dana.

Ugovorne strane mogu ugovor jednostrano raskinuti uz otkazni rok od mjesec dana.

Na odnose između ugovornih strana koji nisu uređeni ovim Ugovorom primjenjuju se odredbe zakona o obligacionim odnosima u Bosni i Hercegovini.

#### Član 10.

Ugovorne strane su saglasne da će eventualne sporove koji nastanu iz ovog ugovora rješavati sporazumno, a ukoliko se saglasnost ne postigne nadležan je Sud Bosne i Hercegovine u Sarajevu.

#### Član 11.

Ovaj ugovor stupa na snagu danom potpisivanja od obje ugovorne strane.

Ugovor je sačinjen u četiri (4) istovjetna primjeraka, od kojih svaka ugovorna strana zadržava po dva (2) primjerka

ZA IZVRŠIOCA  
Direktor  
Senad Gačanović



Nataša Vuković

Broj: 470-CPM/6

Sarajevo, 30.05.2016

Broj: P3-215/16

Sarajevo, 25.05.2016.